

- 1 ħmd i-rbbi a-ul-inu,  
ula kullu ma-gigi-illan,  
tmjjdt ism-ns iεzzan.
- 2 ħmd i-rbbi a-ul-inu,  
a-ur-tttut kullu timiħar-ns.
- 3 ar-ak-itšamah f-kullu ddnub-nnk.  
ar-ijjujji kullu timuđan-nnk.
- 4 ar-issinif ddat-nnk i-umđđal.  
ig-ak ttaj n-rrħmt d-tayri-ns.
- 5 ibark kullu ussan n-tudrt-nnk.  
irar-ak-d afud-nnk zund jjhd l-lbaz.
- 6 ibidd bdda d-yan-f-iđr lbađl,  
iħkam s-lħqq ifk-as tağamt-ns.
- 7 rbbi imla i-musa ma-iqšad,  
yadj mddn-ns ad-zřran ma-iskar.
- 8 rbbi a-igan arħim ig aħnin,  
yigat ššbr-ns d-tayri-ns izgan.
- 9 ur-ra-n-itqama bdda ġ-lğađab,  
ur-rad-ağ-ig d-willi iħaša.
- 10 ur-rad-bdda-itzi f-ddnub-nnğ,  
ula-da-yağ-yakka f-unšk lli-stħllan.
- 11 tigat tayri-ns f-willi-t-ituqqarn  
unšk lli-attuy n ignwan f-wakal.
- 12 issaggug-n fllannğ ddnub-nnğ  
unšk lli-yaggug lğrb zğ-ššrq.
- 13 iħnnu ġ-ğwilli-t-ituqqarn  
ğmklli iħnnu yan ġ-tarwa-ns,
- 14 ašku issn ma-zğ-ntyawskar,  
yissan izd akal a-nga nkk<sup>w</sup>ni.

- 15 hati zund tuga ad-zrayn-uwssan-nnğ.  
nnği-d nimğur zund ajddig n-tagant,
- 16 ișuđ-d-wađu yawi-t,  
laħ ajddig iħwu-udğar-ns.
- 17 imma tayri n-rbbi ur-dars ttmi,  
tili dima f-willi-t-ituqqarn.  
ar-bdda-iskar s-ufulki-ns izgan,  
i-kullu tasutin n-mddn-ns,
- 18 i-willi umznin ġ-lehd-ns,  
awin-tt bdda ġ-lușiyat-ns.
- 19 iħkam rbbi kullu ma-illan,  
iskr lərš-ns ġ-iggi n-ignwan.
- 20 ħmdat i-rbbi a-lmalayka tjhhdnin,  
kunni da-isflidn i-iwaliwn n-rbbi,  
ar-kullu-tskarm s-mad-awn-ittini.
- 21 ħmdat i-rbbi a-inmğurn n-ignwan,  
kunni da-iskarn ma-gigun-ittiri.
- 22 ħmdat i-rbbi a-kullu lmħluqat  
ğ-kraygatt mani ġ-ddu-ufus-ns.  
ħmd i-rbbi a-ul-inu.